



**R.P. Leonardii Lessii E Societate Iesu Theologi. In D.  
Thomam De Beatitudine. De Actibus Hvmanis. De  
Incarnatione Verbi. De Sacramentis Et Censvris.  
Prælectiones Theologicæ Posthvmæ**

**Lessius, Leonardus**

**Lovanii, 1645**

Qvæstio XII. De Scientiâ Acquisitâ Animæ Christi. In quatuor Articulos  
diuisa.

---

[urn:nbn:de:hbz:466:1-72898](https://nbn-resolving.de/urn:nbn:de:hbz:466:1-72898)

# QVÆSTIO XII.

## De Scientia Acquisita Animæ Christi.

*In Quatuor Articulos divisa.*

### ARTICVLVS I.

#### *Vtrum per hanc Scientiam Christus cognoverit omnia?*

**R**espondetur; per hanc cognovisse omnia quæ vñquam naturæ viribus possunt cognosci. Patet ex suprà dictis q. 9. a. 4. Aduerte; Christum per hanc scientiam naturalem non solum cognovisse omnia, qua vi intellectus agentis possunt cognosci; id est, quorū species intelligibiles intellectus agens ex sensibili potest effingere: sed etiam substantias spiritales, eo modo quo animæ separata possunt illas naturali lumine cognoscere. Ratio est; Quia cùm anima Christi esset beata, non habebat illam dependentiam à corpore in intelligendo, quam nos experimur; sed non minus in corpore quam extra corpus poterat naturas spirituales intueri: vnde etiam seipsum naturaliter intuebatur: Sicut & anima separata.

**R**etrorsa, poterat cognoscere naturas rerum corporearum, non solum sub conceptu sensibili, sicut nos (qui modus est valde imperfectus) sed etiam conceptu proprio nude essentia: quo modo nos in hac vita non possumus. Notandum tamen, ad hæc opus fuisse speciebus infusis, quales imprimuntur animæ separata simul atque est à corpore separata: nam omnis species à sensibili hausta, sensibili modo substantiā rei proponit, nō autem vt ipsa est in se nuda. Videtur etiam omnino opus fuisse ex parte potentia intellexiva peculiaris quidam Dei influxus, vel immediatè in ipsum actum intelligendi, vel certè in ipsam potentiam intellectivam, ad lumen naturale corroborandum, vt hæc obiecta, & hoc modo, possint intelligere. Hoc tamen auxilium videtur pertinere ad naturæ ordinem: cùm enim intellectus humanus sit insimus, non potest pertingere ad summam perfectionem naturalē sine diuino auxilio. Vnde etiam in statu nudæ naturæ, hoc auxilium datum fuisset. Hinc sequitur hanc perfectionem naturalem, perfectiorem fuisse in Christo, quam in Adamo; imperfectiorem tamen quam in Angelis.

### ARTICVLVS II.

#### *Vtrum Christus in hac Scientia profecerit?*

**R**espondet D. Tho. Christum in hac Scientiâ profecisse secundum habitum, & incrementum ipsius scientiæ habitualis. Sed nos suprà q. 7. a. 12. dub. 3. ostendimus ex Patribus, Christum non profecisse in Sapientia, nisi secundum exercitium, & ostensionem, prodendo sensum exterioris

maiores sapientiam in dictis & factis suis, sicut & gratiam.

Dicitur tamen profecisse in scientiâ experimentali: quia in dies plura experiebatur per scientiam, & horum in intellectu remanebat memoria, quæ dicitur scientia experimentalis. In nobis oritur quidem per experimentam absoluta scientia, & non solum memoria: secùs tamen fiebat in Christo, qui ab initio omnem scientiam absolutam habuit infusam; vt suprà ostensum est q. 9. art. 4. dub. vñco.

Petes; In quo consistat hæc scientia experimentalis? Respondeo; non solum in speciebus singularium, sed etiam in habituali cognitione eorum; quatenus aliquando actu, per sensum cognita fuerit.

### ARTICVLVS III.

#### *Vtrum Christus aliquid ab homine didicerit?*

**R**espondetur, Nihil vñquam ab aliquo homine didicisse. Ratio est; Quia ipse erat constitutus Magister & Doctor universalis omnium: ergo non erat conueniens, vt ab aliquo aliquid dicceret. Dices; Christus per scientiam humanam nō cognoscebat secreta cordiū, neq; absentia: ergo hæc poterat dicere ab hominibus suas cogitationes explicantibus, vel absentia nuntiantibus. Respondeo Negando Consequentiam: quia Christus numquam assentiebatur his per scientiam humanam, sed per infusam; per quam, & absentia, & cogitationes cordium intuebatur: alioquin ex posset se periculo deceptionis.

### ARTICVLVS IV.

#### *Vtrum Christus aliquid accepit ab Angelis?*

**R**espondetur; Nihil didicit ab Angelis. Probatur ex Dionysio cap. 7. cœlest. Hierarchiæ, vbi docet Christum docuisse etiam supremos Angelos. Confirmatur; Quia non conueniebat, vt is, qui supra omnem creaturam substantialiter eleveratus erat, ab aliquâ creaturâ aliquid dicceret; præterim cùm à scipio omnem perfectionem habere posset.

Circa solutionem primi argumenti: Nota Angelum potuisse confortare Christum, non quidem docendo, vel proponendo aliqua, quæ ipse vel ignorabat, vel ipse per se considerare non poterat; sed proponendo ea, quæ etiâ ab ipso per rationem tuu supernaturalem, & scientiam infusam considerarentur, non tamen ita considerabat, vt ex illis consolatione aciperet, & tristitiam leniret. Vt, hanc

hanc esse Patris voluntatem, Angelorum desiderium, hominum extremam necessitatem; denique gloriam & celebritatem quam ipse sua passione esset consecuturus. Credibile tamen est Dominum

hanc consolationem non admisisse: nam factus in  
agonia, prolixius orabat. Hanc expositionem in-  
sinuat D. Hieronymus Dial. 2. contra Pelagium,  
Et Hilarius lib. 10. de Trinit.

## Q VÆSTIO XIII.

## De Potentia Animæ Christi.

*In Quatuor Articulos divisa.*

## **ARTICVLVS I.**

*Vtrum Anima Christi habuerit  
Omnipotentiam simpliciter?*

**R**espöndetur Negatiū; Anima Christi non fuit absolute omnipotens. Ratio est, Quia omnipotenta sequitur quoddam esse, quod absolute est infinitum: atqui esse absolute infinitum, nulli creaturæ potest comunicari: ergo nec omnipotentia. Confirmatur, Quia potentia activa sequitur formam: ergo potentia activa infinita sequitur formam infinitam. Adde; Animam Christi in omnibus actionibus suis pendere à concursu diuino; dependere autem à cooperatione alterius, repugnat omnipotentie: nam hæc per se omnia potest.

Aduerte; Has Rationes dumtaxat probare il-  
lam Animam non fuisse naturam suam, aut dono ali-  
quo creato omnipotente; non autem per unio-  
nem hypostaticam diuinæ potentie.

## ARTICVLVS II.

*Vtrum Anima Christi habuerit  
Omnipotentiam respectu muta-  
tionis Creaturarum?*

**T**res Con-  
tiones  
Habuit  
potentiam  
ad Effectum  
omnes ani-  
mae conve-  
nientes,  
  
**R**espondetur Tribus Conclusionibus. Pri-  
ma; Anima Christi secundum propriam vir-  
tutem naturalem, vel gratuitam, habuit poten-  
tiam ad omnes illos effectus, qui animae sunt con-  
uenientes: vt ad corporis perfectam gubernatio-  
nem, ad omnes actus humanos naturales & super-  
naturales; denique ad illuminandum omnes crea-  
turas rationales. Quod intellige, eo modo, quo  
superiores Angeli illuminant inferiores; scilicet per locutionem spiritalem seu obiecti propostio-  
nem; non autem per luminis infusionem. Nam  
lumen infundere, non est actio conueniens con-  
ditioni creaturae rationalis. Potest tamen Anima  
Christi lumen infundere diuinâ virtute. Idem  
dicendum est de speciebus intelligibilibus ordi-  
nis supernaturalis.

*item ad mutationes miraculo- fias.* Secunda Conclusio; Anima, ut est instrumentum Verbi, habuit virtutem instrumentariam ad omnes mutationes miraculas, ordinabiles in finem Incarnationis; qui est, instaurare omnia quae in celo, & qua in terra sunt.

*Exepte Ab-  
nihilatio.* Tertia; Non habuit tamen potentiam instrumen-  
talem annihilandi; nam annihilationis respon-

det creationi : at solius Dei est creare ; ergo & annihilare . Hinc D. Thomas infert Christum non habuisse Omnipotentiam respectu immutantis creaturarum .

DVBIUM I.

*Quidnam sit vis illa quâ Christus operatus  
est Miracula?*

R Espondeo & Dico Primè, Vis illa non erat aliqua qualitas creata inhærens humanitati Christi, quæ miracula tamquam causa principalis seu commensurata effecerit. Est communior sententia Doctorum in 3. dist. 13. Et in 4. dist. 1.

Probatur : Quia vel illa virtus ester vna quædam qualitas & forma, ad omnium miraculorum patrationem se extendens; sicut Solis virtus se extendit ad omnium generationē: vel ester multiplex, pro diuersitate operum mirandorum. Si <sup>Si ester hæc</sup> <sub>qualitas</sub> vna, illa deberet absolute esse infinita, non solū intensione, sed etiam essentialiter, & in ratione entis; nam haberet vim connaturalem ad infinitam operum diuersitatem, quorum pleraque scorsim vim infinitam requirunt: atqui talis esse nequit; vt per se patet: æquarent enim diuinæ omnipotentiaz. Sed neque hæc qualitas potest esse pro <sup>Si multius</sup> diuersitate operum multiplex; quia etsi forte ad plex, esse quædam opera, quæ nunc censemur miracula, cō parum quæd viribus naturæ, quæ nunc existit. Sciri po-

quod viribus naturæ, quæ nunc existit, fieri nequeant; vt ad curationem morborum lethalium, ad productionem vite in mille annos, ad illuminationem cæci, & similia; et si, inquam, possit per absolutam Dei potentiam virtus creata effectrix horum institui; sicut lignum vita habebat vim naturalem ad vitam multis millibus annorum propagandam: tamen hæc non poterit ita operari, sicut Christus fecit miracula: v.g. in momento, non obstante quævis resistentiâ creaturæ, ad quoduis interuum allum, ad nutum voluntatis &c. Deinde multa sunt quæ vi creatâ nullo modo perfici queunt. Quæ enim vis efficiat vt ynum corpus sit in duobus locis, vel duo corpora in eodem loco; vel vt una res tota convertatur in aliam; vel vt substantia habeat modum existendi spirituum; & similia? Et ratio est; Quia hæc opera non sunt res aliqua supernaturales productæ, sed consistunt in quadam supernaturali modo; cuius causa non potest esse aliqua virtus creata: actiones enim quibus illa opera fiunt, non tendunt ad communicandam certam formam, sicut actio qualitatis creatæ: sed solum modum quedam in rebus constituant, qui omnem conditionem naturæ creatae excedit. Vnde non potest concipi